



Б Ұ Й Р Ы Қ

П Р И К А З

3.04. 2020

№ 493

**Пандемия кезеңінде білім беру
ұйымдарында COVID-19 коронавирустық
инфекцияның таралуына жол бермеу
жөніндегі шараларды күшейту туралы**

Білім алушылар мен тәрбиеленушілердің, педагогтердің, білім беру ұйымдарының басқа да қызметкерлерінің өмірі мен денсаулығының сақталуын қамтамасыз ету мақсатында, сондай-ақ Дүниежүзілік денсаулық сақтау ұйымы жариялаған пандемия кезеңінде COVID-19 коронавирустық инфекцияның (бұдан әрі – коронавирустық инфекция) таралуының алдын алу үшін Қазақстан Республикасы Бас мемлекеттік санитарлық дәрігерінің 2020 жылғы 12 наурыздағы № 20 қаулысының негізінде, Қазақстан Республикасы Президентінің жанындағы төтенше жағдай режимін қамтамасыз ету жөніндегі мемлекеттік комиссия отырыстарының 2020 жылғы 16 наурыздағы № 1, 17 наурыздағы № 2 және 26 наурыздағы № 6 хаттамаларын, Қазақстан Республикасы Білім және ғылым министрінің 2020 жылғы 01 сәуірдегі № 123 бұйрығын, сондай-ақ «Қостанай облысы әкімдігінің білім басқармасы» ММ 01.04.2020 жылғы № 204 бұйрығын орындау үшін **БҰЙЫРАМЫН:**

1. Қостанай қаласының білім беру ұйымдарының басшылары:

1) оқу-тәрбие қызметін жүзеге асыратын білім беру ұйымдары санитариялық-эпидемиологиялық және алдын алу іс-шараларын күшейту бойынша шаралар қабылдасын;

2) ағымдағы жылғы 13 наурыздан бұқаралық іс-шаралар (мерекелік, концерттік, мәдени, спорттық іс-шаралар, конференциялар, семинарлар, көрмелер өткізу және т. б.) өткізуге тыйым салсын;

3) білім алушылардың және тәрбиеленушілердің халықаралық спорттық, мәдени, туристік іс-шараларға шығуына тыйым салсын;

4) осы бұйрықтың 1-тармағының 1), 2), 3) тармақшаларын ескере отырып, карантин жарияланған елді-мекендерді қоспағанда штаттық режимде мектепке дейінгі ұйымдардың қызметін жүзеге асырсын, ата-аналардың (заңды өкілдердің) қалауы бойынша балалардың еркін бару режимін қамтамасыз етсін, коронавирустық инфекция пандемиясы кезеңінде балалар болмаған жағдайда мектепке дейінгі ұйымдардағы балалар орындарының сақталуын қамтамасыз етсін;

5) штаттық режимде жұмыс істейтін ұйымдарда, оның ішінде мектепке дейінгі ұйымдарда санитарлық-эпидемиологиялық және алдын алу іс-шараларын күшейтсін және күн сайын мектепке дейінгі ұйымдарда балалардың келуіне мониторинг жүргізсін;

6) орта білім беру ұйымдарында көктемгі демалыстың ұзақтығы - 21 күн (2020 жылғы 16 наурыздан бастап 5 сәуірді қоса алғанда) болып белгіленсін;

7) көктемгі демалыс уақытында, сонымен бірге қашықтан оқытуды ұйымдастыру кезінде педагогтерге қашықтан (білім беру ұйымынан тыс) жұмыс істеу мүмкіндігін қамтамасыз етсін;

8) орта білім беру ұйымдарында 1-11(12) сыныптарда, оның ішінде жеке меншік орта білім беру ұйымдарында қашықтықтан білім беру технологияларын пайдалана отырып, төртінші тоқсанның басынан 2020 жылғы 6 сәуірден бастап заңнамада белгіленген тәртіппен оқытуды ұйымдастыруды қамтамасыз етсін (келісім бойынша);

9) мектепалды даярлық сыныптар, 1-9 сыныптар үшін сағат 08.30-дан, 10-11 сыныптар үшін сағат 14.00-ден дүйсенбіден жұманы қоса алғанда ұзақтығы 30 минутқа дейінгі аралықта сабақ кестесін жасасын;

10) 2020 жылғы 1 сәуірде 1-9 сыныптар үшін сағат 09.00-ден, 10-11 сыныптар үшін сағат 14.00-ден сынама сабақтар өткізсін;

11) 2020 жылғы 2 сәуірде сағат 10.00-де мектепалды даярлық сыныптары мен 1-4 сыныптардың ата-аналары үшін, сағат 12.00-де 5-9 сыныптардың ата-аналары үшін, сағат 14.00-де 10-11 сыныптардың ата-аналары үшін «Біздің мектепте қашықтықтан оқыту қалай жүргізіледі?» тақырыбында қашықтықтан ата-аналар жиналысын өткізсін;

12) 2020 жылғы 3 сәуірде сағат 10.00-де мектепалды даярлық сыныптары мен 1-4 сыныптар үшін, сағат 12.00-де 5-9 сыныптар үшін, сағат 14.00-де 10-11 сыныптар үшін «Мен қашықтықтан қалай оқимын?», «Өзіңді вирустық аурулардан қалай сақтауға болады?» тақырыптарына қашықтықтан сынып сағаттарын өткізсін;

13) педагогтерден қашықтан оқытуды ұйымдастыру бойынша артық есеп талап етпесін, шығармашылық жұмыс жасауға мүмкіндік жасасын, онлайн-сабақтар өткізуді азайтып, оқытудың басқа технологияларын пайдалануды қарастырсын;

14) заңнамада белгіленген тәртіппен қашықтықтан білім беру технологиясы кезінде білім беру процесіне қатысушылар үшін жағдай жасау (білім беру ұйымдарының балансынан педагогтер мен ата-аналардың материалдық жауапкершілігіне беру, сондай-ақ компьютерлерді, ноутбуктар, планшеттерді сатып алу, флеш-карталар, мобильді қосымшалар және басқа да құралдар арқылы жеткілікті жылдамдықты интернетпен қамтамасыз ету) бойынша қажетті шаралар қабылдасын, бұл ретте атаулы әлеуметтік көмек алатын отбасылардан шыққан балаларға, жетім балалар мен ата-анасының қамқорлығынсыз қалған балаларға ерекше назар аударсын;

15) Қазақстан Республикасы Білім және ғылым министрінің 2020 жылғы 1 сәуірдегі № 123 бұйрығымен бекітілген заңнамаға және әдістемелік ұсынымдарға сәйкес мемлекеттік орта білім беру ұйымдарында қашықтықтан білім беру технологияларын пайдалану кезінде бірыңғай бағдарламалар мен тәсілдерді қамтамасыз етсін;

16) қашықтықтан білім беру технологиялары негізінде оқу процесін ұйымдастыру бойынша білім алушылар, ата-аналар, жұртшылық арасында ақпараттық-гүсіндіру жұмыстарын күшейтсін;

17) гимназияларға, лицейлерге түсу үшін түсу емтихандарын өткізуді тоқтата тұрсын және кешірек мерзімге ауыстырсын;

18) қосымша білім беру ұйымдарының жұмысын 2020 жылғы 6 сәуірден бастап қашықтықтан оқыту режимінде тиісті жағдай болған жағдайда жұмыс берушінің актісін қабылдай отырып, жұмыс бағыттарының ерекшеліктерін ескере отырып, жеке тәртіппен жалғастырсын;

19) 2020 жылғы 16 наурыздан бастап «Қостанай қаласы әкімдігінің білім бөлімінің №1 кешкі (ауысымдық) жалпы білім беретін мектебі» ММ-де қашықтықтан білім беру технологияларын қолдана отырып, оқыту үрдісін ұйымдастыруды қамтамасыз етсін;

20) 2020 жылғы 6 сәуірден бастап «Қостанай қаласы әкімдігінің білім бөлімінің №2 кешкі (ауысымдық) жалпы білім беретін мектебі» ММ-де оқушылардың қолда бар шарттарының режиміне сәйкес қашықтықтан білім беру технологияларын қолдана отырып оқыту процесін ұйымдастыруды қамтамасыз ету;

21) кеңестер, отырыстар, кездесулер өткізуді азайтсын немесе селекторлық режимде өткізсін;

22) мектеп директорларына қашықтықтан білім беру технологияларын қолдану арқылы оқытуды сапалы ұйымдастыру және қамтамасыз ету жүктелсін;

23) жұмыс берушінің тиісті актісін қабылдай отырып, келесі қызметкерлер тобын анықтау мүмкіндігін қарастырсын:

білім беру ұйымдарының тыныс-тіршілігін және жұмыс істеуін қамтамасыз ететін қызметкерлер (әкімшілік-қосалқы, техникалық персонал);

қашықтықтан білім беру технологиялары негізінде білім беру процесін және сабақтарға қатысу мониторингін қамтамасыз ету бойынша еңбек функцияларын жүзеге асыратын қызметкерлер (оның ішінде оқу-тәрбие процесін тікелей жүзеге асыратын барлық пәндер педагогтері, кеңес беру, онлайн мастер-кластар, ойындар мен т.б. түрінде психологиялық көмек көрсететін психологтардың, білім алушылар мен тәрбиеленушілердің ұйымдастырылуына мониторингті жүзеге асыратын, қашықтық режимде мектепшілік конкурстарға білім алушылардың қатысуын, аз қамтылған, көп балалы отбасылардан шыққан білім алушылармен, девиантты мінез-құлықты балалармен, жетім балалармен және ата-анасының қамқорлығынсыз қалған балалармен жұмысты ұйымдастыруды қамтамасыз ететін әлеуметтік педагогтер, тәлімгерлер, қосымша білім беру педагогтері, онлайн кітапханалардың жұмысын, ұсынылатын басылымдар бойынша жұмысты, кітаптарды оқу мониторингісін және басқа да қашықтық жұмысты жүзеге асыратын кітапханашылар, жеке онлайн-консультацияларды жүзеге асыратын дефектологтар/логопедтер, зертханалық және практикалық, сонымен қатар басқа да функцияларды және т.с.с. жұмыстарды қашықтық режимде өткізуді және орындалуын тексеруді жүзеге асыратын физика, химия, биология, информатика кабинеттерінің, лингафондық-мультимедиялық кабинеттердің зертханашылары, сондай-ақ әрі қарай және басқа да функцияларды қарастыру);

жеке кесте бойынша еңбек демалысына жіберілетін қызметкерлер (тәрбиешілер, әдіскерлер, мектепке дейінгі ұйымдардың басқа да қызметкерлері, педагогтер және қашықтықтан білім беру технологиялары

негізінде оқытуға тартылмаған қосымша білім беру ұйымдарының басқа да қызметкерлері, педагогтер және психологиялық-педагогикалық түзету кабинеттерінің, психологиялық-медициналық-педагогикалық консультациялардың, білім беру жүйесінің оңалту орталықтарының басқа да қызметкерлері, жұмыс беруші айқындайтын білім беру ұйымдарының басқа да қызметкерлері);

24) Мемлекеттік жалпыға міндетті білім беру стандарттарын, оқу бағдарламаларын, үлгілік оқу жоспарларын орындауды қамтамасыз етсін, сағаттарды қысқартуға жол бермесін, бекітілген штаттық кестеге (тарификациялық тізімге) сәйкес педагогтердің еңбек ақысын төлеуді қамтамасыз етсін;

25) коронавирустық инфекция пандемиясы кезеңінде білім беру қызметімен айналысуға, айырбастауға, қайта ресімдеуге, жаңа лицензия алуға өтініш беруді тоқтатсын.

26) білім бөліміне қашықтықтан оқытуға көшу мониторингінің аралық нәтижесін күн сайын ұсынсын.

27) Қашықтықтан оқытуды уақытылы түсіндіру бойынша колл-орталықтар құрылсын.

28) №18 МГ директоры (С.В.Гаврилова) облыстық туберкулез диспансері жанындағы санаториялық сыныптарда оқытуды ұйымдастыруды қамтамасыз ету, санаториялық сынып оқушыларын электрондық құрылғылармен және интернетпен қамтамасыз етсін.

29) АӘД ОӘО директоры (М.Ж.Тохтаров) қашықтықтан білім беру технологияларын пайдалана отырып, 10-11 сынып оқушыларын бастапқы әскери және технологиялық дайындық бойынша оқытуды қамтамасыз ету, педагогтардың қашықтықтан оқытуға дайындығын қамтамасыз етсін.

30) «Қостанай қаласы әкімдігінің білім бөлімінің № 29 орта мектебі» ММ директоры түзету кабинетінің жұмысын қамтамасыз етсін.

31) Төтенше жағдайлар режимінде мемлекеттік қызметтер көрсетуді бақылауға алсын.

2. Жалпы орта білімді дамыту секторы (Г. Ж.Елешова) әдістемелік кабинетпен бірлесіп (Л. В.Тихонова):

1) орта білім беру ұйымдарында қашықтықтан оқытуға көшуге мониторинг жүргізісін;

2) күн сайын қашықтықтан оқытуға көшудің аралық мониторингін жүргізісін;

3) мемлекеттік жалпыға міндетті білім беру стандарттарының, оқу бағдарламаларының, үлгілік оқу жоспарларының орындалуын бақылауға алсын;

3) Балалардың құқықтарын қорғау және олардың мүдделерін қорғау жөніндегі секторы (Б.С.Карыбаева):

1) жетім балаларды, халықтың әлеуметтік қорғалмаған жіктері мен көп балалы отбасыларынан шыққан балаларды қашықтықтан білім беру технологияларын пайдалана отырып, оқуға дайындығын (электрондық құрылғылармен қамтамасыз етілуін және интернетке қол жеткізуін) бақылауға алсын,

2) кәмелетке толмаған балалардың құқықтарын қорғауды бақылауға алсын.

4) Тәрбие жұмысы бөлімі (М.Г.Донскова):

1. Қосымша білім беру ұйымдарын қашықтықтан оқытуды ұйымдастыруды және қашықтықтан оқыту режимінде тәрбие іс-шараларын өткізуді бақылауға алсын;

2. Кәмелетке толмағандардың құқық бұзушылықтары мен аутодеструктивті мінез-құлықтарының алдын алуды бақылауға алсын.

5) Білім беру мекемелерінің тіршілік-әрекетін қамтамасыз ету секторы (Е.В.Терентьев):

1) Оқу-тәрбие қызметін жүзеге асыратын білім беру ұйымдарында санитарлық-эпидемиологиялық және профилактикалық іс-шараларды күшейтуді бақылауға алсын;

2) Ыстық тамақтың орнына құрғақ азық үлестерін беруді бақылауға алсын,

3) Мектептерге күрделі және ағымдағы жөндеу жұмыстарын жүргізуді бақылауға алсын.

6) Мектепке дейінгі бөлімі (Г.А.Попова)

Балабақшаға барудың күнделікті мониторингін жүргізсін.

7. Осы бұйрықтың орындалуын бақылауды өзіме қалдырамын.

Білім бөлімі басшысының м.а.



Г.Уразбаева